

# THUTOPATLISISO YA TSHIMOLOGO YA LENAANE LA USAID LA METSI A A KGOTLELELANG YA RIETVLEI

Lenaane la USAID la Metsi a a Kgotlelelang le ikaeletse go bopa merafe e e kgotlelelang le go feta e bile e na le metsi a a lekaneng mo maanwaneng a dinoka tsa Okavango le Limpopo. Metsi a a Kgotlelelang a tsepile ka totobalo mo go nngeng le polokego ya metsi a a kgabaganyang melerwane ya dinaga le taolo ya metswedithuso; metsi a a nowang a a babalesegileng; a a tsweleng le ditirelo tsa phepafatso; tlwaetso ya phetogo ya tlelaemete; le tshomorelo ya bomefutafuta jwa ditshedi le dithulaganyo tsa ikholoji.

Boikaelelo jwa tokomane e ke go:

- Fa baagi ba Rietvlei tshedimosetso go tswa mo thutopatlisisong ya rona;
- Gatelela dikarolo tse di tlang pele gore Rietvlei e kgotlelele le go feta; le
- Tsamaisa kopano ya go loga maano e e theilweng mo tshedimosetsong e re e kgobokantseng.

## RIETVLEI FA E OKOMELWA

### Re botsoloditse batho ba le 46 mo Rietvlei

Bontsi jwa batho ba ba botsoloditsweng ba ne ba feta dingwaga tse di 35.

Ba ba ka fa tlase ga 35 (27%)

Ba ba fetang 35 (73%)

Bontsi jwa batho ba ba botsoloditsweng e ne e le basadi.

Banna (20%)

Basadi (80%)

A re ka fetola tsela e re dirang dilo ka yone go ikaegile ka se re se ithutileng?

### Go tshloganya kgotlelelo mo Rietvlei



Metswedi ya dikgoreletso le dibaka-kgatelelo tsa tlhago mo Rietvlei ke **dikomelelo le merwalela**.




Dikgoreletso le dibaka-kgatelelo tseno di ama malapa ka mo go maswe, e leng mofuta wa tshenyho mo malapeng le phitlhelelo **ya morafe ya go bona metsi e e lekanyeditsweng**.



Mo Rietvlei, kgotlelelo e bonwa e le **tshireletso ya loago go tswa mo pusong le ditshono tsa tiro tse dintsinzana**.

## Kgotlelelo ke eng?



**Kgotlelelo** ke bokgoni jwa go tsibogela dikgoreletso le dibaka-kgatelelo. Go na le ditekanyo tse nne tsa kgotlelelo.

## Bokgoni jwa go monya



A re ka **itshireletsa** le go emelelana le ditiragalo?



## Bokgoni jwa go fetoga

A re ka **fetola** tsela e re tshelang ka yone morago ga tiragalo e sena go direga?

## Bokgoni jwa go solofela



A re ka loga **leano** la ditiragalo tse dingwe tse di ka nngang tsa re diragalela?



## Bokgoni jwa go tliša diphetogo

A re ka **fetola** tsela e re dirang dilo ka yone go ikaegile ka se re se ithutileng?




**USAID**  
FROM THE AMERICAN PEOPLE

# THUTOPATLISISO YA TSHIMOLOGO

Re dirile thutopatlisiso e e simololang kwa ntlheng (baseline) mo merafeng e e 13 mo dinageng tse supa mo Maanwaneng a Dinoka tsa Limpopo le Okavango fa gare ga Phukwi le Phatwe 2019. Re dirile se go batlisisa ka fa malapa a tshloganyang ka teng kgotlelelo, ka fa merafe e nonotshang kgotlelelo, le gore seno se raya eng mo tirong ya rona. Nngwe ya dikgaolo tse re di batlisisitseng ke Rietvlei, Aforikaborwa. Rietvlei e wela mo Maanwaneng a noka ya Limpopo. Maanwane a Noka ya Limpopo a akaretsa Botswana, Bokone jwa Aforikaborwa, Borwa jwa Zimbabwe le Borwa jwa Mozambique.

## KE ENG SE SE TLHOLANG KGOTLELELO?

Thutopatlisiso ya rona e bone gore kgotlelelo e tsholwa ke mabaka a mane: **1. Tshireletso ya Loago, 2. Tshwaragano ya loago, 3. Boikemelaesi, le 4. Ngwaoboswa ya Setso.**



## RE FITLHETSE ENG MO RIETVLEI?

Matlo a a sa lekanang (a a dirilweng ka mmu le dithobane) le matlwana a boithusetso (a mesima), a a etegeditsweng ke go tshaela ga metsi, ke tsone dikgwetlho tse ditona go gaisa tse batho ba ba nnang kwa Rietvlei ba buileng ka tsone. Motswedi wa metsi wa Rietvlei o ntshiwa ke pompo e e tshokang motlakase o o duelelwang gore e dire le gone go na le ditanka tse di palonnye tse go ikaeletswe gore di fe morafe otlhe ditirelo. Gangwe le gape, le fa motlakase o dueletswe, pompo e fa metsi a mannye kgotsa ga e fe metsi gotlhelele ka ntsha ya leuba. Metswedithuso ya tlhago ke yone motswedi wa dijo le lotseno lwa tlaleletso, me gape e nna matshosetsi mo malapeng a Rietvlei. Bosa le tshaelamete ke mefuta ya konokono ya dikgoreletso le dibaka-kgatelelo. Kamo ya dikgoreletso le dibaka-kgatelelo e nnile phokotsego ya go kgona go fitlhelela dijo le metsi, ya tshegetso ya loago e nnye le lotseno / metswedithuso e mennenye. Dikamo tsa dikgoreletso le dibaka-kgatelelo di ne di aname.

## MATLO A A SA LEKANANG, MATLWANA LE METSI A A SA LEKANANG KE DIKGWETLHO TSE DIKGOLO GO GAISA MO RIETVLEI




Morafe wa Rietvlei o na le matlo le mafaratlhatlha a matlwa na a a sa lekanang go tshegetsa baagi. Go tshaela ga metsi, mo go bakiwang ke leuba, ke metswedi e mengwe ya kgatelelo mo malapeng mo Rietvlei.

Morafe o kgona go fitlhelela metswedithuso ya tlhago e le mmalwa mme fela baagi ba na le go ikaega ka tsone fela go tshaela lotseno lwa bone. Baagi ba Rietvlei ba kgona go fitlhelela metswedithuso e e fiwang ke puso ka ntsha ya ditoropo tse di mabapi mme ba a e dirisa.

## RIETVLEI LE METSWEDITHUSO YA TLHAGO

**Metswedithuso ya tlhago ke metswedi ya dijo le lotseno, mme gape ke matshosetsi a malapa a a mo Rietvlei.**

Mmepe wa mogote o o fa tlase o bontsha gore metsi ke motswedithuso wa dijo / go itshetsa mo Rietvlei, mme seo gape ke matshosetsi mo dikgaolong, gammogo le difefo tse ditona le merwalela mo kgaolong.




- Dimela di bonwa segolo e le motswedi wa lotseno le motswedi wa dijo.
- Diphologolo di bonwa segolo e le matshosetsi le motswedi wa dijo.

## DILO TSE DI BAKANG DIKGORELETSO LE DIBAKA-KGATELELO

**Bosa le tlelaemete ke mefuta e megolo ya dikgoreletso le dibaka-kgatelelo.**


Rietvlei e amiwa thata ke maemo a leuba le dipula tsa matlakadibe le merwalela.



## RIETVLEI FA E BAPISIWA LE MAANWANE A NOKA YA LIMPOPO

**Jaaka kwa Rietvlei, metswedithuso ya tlhago mo Maanwaneng a Noka ya Limpopo ke motswedithuso wa konokono wa go itshetsa, mme e ka nna matshosetsi.**


Jaaka mo Rietvlei, mmepe wa mogote o o fa tlase o bontsha gore metsi ke motswedi wa dijo / go itshetsa gammogo le matshosetsi mo Maanwaneng a Noka ya Limpopo. Maanwane otlhe a itemogetse maemo a bosa a a tlhobaetsang.



- Jaaka kwa Rietvlei, dimela di bonwa segolo e le motswedi wa dijo le lotseno.
- Jaaka kwa Rietvlei, diphologolo di bonwa segolo e le motswedi wa dijo, le matshosetsi.

## DILO TSE DI BAKANG DIKGORELETSO LE DIBAKA-KGATELELO


Jaaka kwa Rietvlei, bosa le tlelaemete ke mefuta e megolo ya dikgoreletso le dibaka-kgatelelo mo Maanwaneng a Noka ya Limpopo. Maanwane otlhe le fa go ntse jalo, a lebagane le dikgoreletso le dibaka-kgatelelo tse dintsi go tswa mo diphologolong fa go bapisiwa le Rietvlei.



## POELOMANNONG GO TSWA DIKGORELETSONG LE DIBAKA-KGATELELONG

**Malapa a a mo Rietvlei a nea kgona go ipusetsa mannong, kgotsa a tlhokile thuso go tswa mo morafeng wa bone gammogo le balosika**

Ke kgone go ipusetsa mannong




Ke tlhokile thuso mo morafeng wa me      Ke tlhokile thuso mo go balosika

## TSHEGETSO LE THULAGANYETSO YA DIKGORELETSO LE DIBAKA-KGATELELO MO REITVLEI


**38% tsa malapa di na le batho ba ba ka yang kwa go bone go bona tshegetso**

Ka jalo go na le selekanyo se se kwa tlase sa tshegetso mo Rietvlei. Mo go bao ba se nang batho ba ba ka ba thusang, bontsi bo ne bo ka ya kwa mokhanselareng wa wote kgotsa balosika.



**11% tsa malapa di na le mekgatlho e ba ka yang kwa go yone go bona tshegetso**


Mo go ba 11% ba ba nang le mekgatlho e ba ka yang kwa go yone, bontsi bo ikaega ka puso kgotsa baeteledipele ba morafe.



## RIETVLEI FA E BAPISIWA LE MAANWANE A NOKA YA LIMPOPO

Fa a bapisiwa le malapa a Rietvlei, malapa a a mo Maanwaneng a Noka ya Limpopo a lebege a kgona go boela mannong go tswa mo dikgoreletsong le dibaka-kgatelelong ka boone.

Ke kgone go ipusetsa mannong




Ke tlhokile thuso mo morafeng wa me      Ke tlhokile thuso mo go balosika

## TSHEGETSO LE THULAGANYETSO YA DIKGORELETSO LE DIBAKA-KGATELELO MO MAANWANENG A NOKA YA LIMPOPO


**56% ya malapa tsa malapa di na le batho ba ba ka yang kwa go bone go bona tshegetso mo Maanwaneng a Noka ya Limpopo.**

Seno se kwa godimo that go na le 38% mo Rietvlei. Mo go bao ba senang batho ba ba ka yang kwa go bone, bontsi bo ne bo ka ya kwa go balosika le mo morafeng. Se ga se tshwane le kwa Rietvlei, koo morafe o ikaegileng thata ka mokhanselara wa wote wa selegae.



**42% tsa malapa a a mo Maanwaneng a Noka ya Limpopo di na le mekgatlho e ba ka yang kwa go yone go bona tshegetso. E ke palo e kgolwane thata go na le 11% mo Rietvlei.**

Mo go ba 42% ba ba nangle mekgatlho e ba ka yang kwa go yone, bontsi (jaaka mo Rietvlei) ba ikaegilei ka mafapha a puso a a farologaneng.




## GO RULAGANYETSA ISAGO MO RIETVLEI

Ka kakaretso, malapa mo Rietvlei a akantse gore **metswedithuso ya tlaletso, kitso ya tlaletso le dikgokagano tse di nonofileng** di tlaa ba thusa go tsibogela dikgoreletso le dibaka-kgatelelo ka tsela e e botoka mo isagong. **Ditumelo tsa sebele, tshedimosetso le se batho mo morafeng ba se dirang di ne di le botlhokwa mo go tseyeng tshwetso ga setšhaba.** Ka jalo, go na le tlhokego ya go netefatsa gore merafe e kgona go fitlhelela tshedimosetso e e ikanyegang le e nang le thuso gore e kgone go loga maano botoka.

**43%** tsa malapa mo Rietvlei di kaile gore ba **na le leanola** dikgoreletso le dibaka-kgatelelo tsa tlhago tas isago. Le fa go ntse jao, mo go ba ba 43% bano ba ba go begwang bana le leano, 100% tsa one di supa tlhokego yay a tshegetso ya puso / e e tswang kwa tle go diragadiwa. Dikao tsa maano a batho ba a begileng di akaretsa go tlhoka thuso ka tshegetso ya ditšhelete, thuso ya puso le didiriso tsa kago – jaaka go bontshitswe mo kerafong e e fa tlase.

**Mefuta ya maano a malapa a Rietvlei a nang le one**



### Palo ya Batho

Dikao tse di totobetseng tsa maano di akaretsa:

- **Tshegetso ya ditšhelete:** Batho ba kaile gore ba tlhokile tshegetso ya ditšhelete go loga maano mme ba ne ba se na metswedithuso e.
- **Thuso ya puso:** Baagi ba kopile thuso mo pusong.
- **Ditlamelo tsa kago:** Ditena, samente le didiriso tse dingwe tsa kago di a tlhokiwa.

**Tlhokego ya metswedithuso le tshgetso ya puso go itsa batho mo Rietvlei go diragatsa maano a bone.**

## RIETVLEI E KA KGOTLELELA JANG GO FETA?

Mo Rietvlei, selo se sedirileng gore morafe o tlaolege o kgethege mo go e mengwe mo maanwaneng e ne ele tlhokego ya tshgetso ya puso le tshedimosetso e e ikanyegang, e e leknayeditseng bokgoni jwa bone jwa go loga maano kamogo lebang. Ntsha ya botlhokwa e e lebilweng ya go nna le phitlhelelo go metswedithuso e tshwanetse go nna mo go ageng popagano ya ya morafe. Go theilwengmo go se se fitlheletsweng mo thutpatlisisong, go tokafatsa kgotlelelo mo kgaolong, dikatlanegiso tsa Rietvlei di akaretsa:

- **Go golaganya morafe le tshgetso e e leng teng:** Baagi ba Rietvlei ba bega gore ba na le batho ba le mekgatlho e e palopotlana e ba ka yangkwa go yone go bona tshgetso, mo go le botlhokwa mo go godiseng kgotlelelo. Go ka maatlafatsa kgotlelelo fa mekgatlho e e tshwanetseng go dira mo kgaolong, e e jaaka ditirelo tsa loago, e ka abelana tshedimosetso le morafe ka ga tshgetso e ba e fang.

- **Go reka ka tshwaragano:** Tsela ya tshwaragano fa go rekiwa dithoto tse di tlhokiwang ke morafe, segolo bogolo didiriso tsa temothuo tse di jaaka dipeo, go ka naya tshono ya tlaletso ya go fiwa matlole ke puso kgotsa mekgatlho e e sa totang dipoelo. Tsela e e ntseng jaana gape e letlelela gore go nne le mefuta e e farologaneng ya dipeo tse di ka abelanwang fa gare ga baagi, mme ka jalo go atolosiwe mefuta ya dijwalo tse di lemiwang, le dikotla tse di leng teng tse baagi botlhe ba ka sologelwang ka tsone. Tsela ya mofuta o e fokotsa kotsi e e tlelang motho ka esi, mme gape e ka nna kgato e e lebileng kwa go ageng morafe.
- **Go kokotletsa metsi a pula:** Ka ntsha ya gore tlelaemete ya komelelo e a oketsega, go botlhokwa thata go dirisa metsi ka botlalo motsing kgaolo e nang le pula. Nngwe ya dikgwetlho tse di umakiwang ke baagi ba Rietvlei e ne e le merwalela e e tlang ka ntsha ya dipula tsa matlakadibe. Ka jalo, ditanka tse di bolokang metsi di fa tharabololo e e tlhotlwatlase ya go boloka metsi ano a pula a a tlaa dirisiwang mo lobakeng lo lo tlang. Mo godimo ga moo, baagi ba le bantsi mo morafeng ba ka nna le ditanka tse di bolokang metsi ntle le go kgoreletsa theleso ya metsi ya ba bangwe, jaaka go ntse mo didibeng.
- **Ditirwana tse di bopang morafe:** Baagi mo Rietvlei ba umakile tlhokego ya go amogela tshedimosetso jaaka nngwe ya mabaka a a ba itsang go rulaganyetsa dikgoreletso le dibaka-kgatelelo. Ke 38% fela tsa baagi ba ba kaileng gore ba na le batho ba ba ka yang ka go bone go bona thuso. Patlisiso ya rona e bontsha gore merafe e e kgonang go itshireletsa kgethanong le ditiragalo le go fetola tsela ya bone ya go tshela morago ga tiragalo e na le ditsela tsa tlhaeletsano tse di nonofileng le dikgokagano tsa botsalano (loago). Se se kaya tlhokego ya go tlhoma kopano ya morafe go tshgetsa kabelano ya megopolo, ditharabololo le go fa dikgokagano tsa tshgetso.

Go theilwemo diphitlhelelong tsa patlisiso ya rona, dikamo tsa dikgoreletso le dibaka-kgatelelo di ne di aname ka mofuta wa go fitlhelela dijo mo go fokotsegileng, le metswedi thuso le lotseno lo lo nnye. Diitshimololelo tse di kailweng fa godimo di batla go tokafatsa ikeetletso ya bone ya dikgoreletso tsa isago le go boela mannong go tswa mo dikgoreletsong tse ka bonako. Seno se kgontshiwa ke go tlhola ditsela tsa tlhaeletsano, kumiso ya dijo le kokotletso ya metsi tse di kgotlelelang le go feta.

# TSHOBOKANYO YA LENAANE LA USAID LA METSI A A KGOTLELELA

Lenaane la USAID la Metsi a a Kgotlelelang le ikaeletse go aga merafe e e kgotlelelang go feta le e e nang le metsi a a lekaneng mo maanwaneng a dinoka tsa Okavango le Limpopo. Re na le maikaelelo a mane:

- 1** Go tokafatsa polokego ya metsi a a kgabaganyang melelwane ya dinaga le taolo ya metswedithuso management mo maanwaneng a dinoka tsa Okavango le Limpopo .
- 2** Go oketsa phitlhelelo go metsi a a nowang, a a babalesegileng le ditirelo tsa phepatatso
- 3** Go nonotsha bokgoni jwa merafe le ditheo tsa konokono go tiwaela go fetoga, segolo bogolo kamo ya phetogo ya tlaemete
- 4** Go somarela bomefutafuta jwa ditshedi le dithulaganyo tsa ikholoji

## Gore re dire se re aga:



### DITHEO TSE DI KGOTLELELANG

- Ditheo di botlhokwa mo go laoleng metswedithuso le mo go maatlafatseng kgotlelelo.
- Re tshegetsa ditheo mo go oketseng bokgoni jwa go loga maano, go direng dikgolagano tse di nonofileng, go nonotsha tikologo e e kgontshang le go fitlhelela maikaelelo a tsone.
- Thuo ya ditheo e botlhokwa mo go nne le tswelelong ya leruri.



### DITHULAGANYO TSA TSHEDIMOSETSO TSE DI NONOFIENG

- Go laola metswedithuso botoka le go nobotsha kgotlelelo, re tlhoka tshedimosetso e e ka fitlhelelwang le e e kadirisiwang go tsaya ditshwetso.
- Re a dira gore re tlatse diphatlha tsa tshedimosetso, re kopanya tshedimosetso le go e tsenya mo tseong ya ditshwetso.



### MEKGWA YA BOITSHIMOLOLE DI

- Re tlhoka go akanya ka ditsela tse dintshwa tsa go fetoga go tiwaela phetogo ya tlaemete. Mo go se, re tshwanetse go tlhaloganya gore mekgwa e ke eng le gore re ka e dirisa jang.
- Re tlaa tshegetsa itshimololele le dithulaganyo tsa go tiwaetsa go fetoga mo go mathagatlhaga.